

PRIMORSKI TURIZAM

Grad Neum sa oko 24 km jadranske obale pripada regiji Južni Jadran i nalazi se u trouglu regionalnih turističkih središta Makarska-Mostar-Dubrovnik. Klima je mediteranska i Neum ima najveći broj sunčanih dana u godini u Bosni i Hercegovini, 240.

Zahvaljujući poluotocima Pelješac i Klek koji štite zaljev oko bosanskohercegovačkog primorskog grada Neum, more je veoma mirno i čisto.

Grad Neum takođe posjeduje brojne hotelske kapacitete i privatni smještaj, a sve cijene su puno niže nego u susjednim zemljama.

Pored hotelskih sadržaja, gostima se nude i izletnička putovanja autobusom i brodom u susjedna turistička mjesta (Mostar, Međugorje, Hutovo Blato i Dubrovnik) s obzirom da je Neum smješten u neposrednoj blizini ovih gradova.

Za goste, koji žele aktivan odmor, Neum nudi sportske terene za fudbal, odbojku ili košarku, a od vodenih sportova na raspolaganju su skijanje, surfanje, vožnje skuterima i gliserima.

Manifestacija "Neumsko ljeto", koja traje tokom cijele turističke sezone, nudi turistima ponudu brojnih kulturnih i zabavnih događaja (folklorne večeri, posjete muzeju i galeriji, književne večeri, etno fest, itd.)

Pored kupanja i sunčanja zbog povoljnih klimatskih uslova, gosti dolaze radi čistog zraka i šetnje.